



常山文集

一二


和文

和6
1736
2



常山文集卷之一

權中納言從三位源朝臣綱條輯



詩

五言古風

醫友野間氏惕齋少年偶遊余後園即

席賦古風一篇次韻二首

江城公務暇相攸聊上幽徐步過小徑遠望
倚危樓招客為開宴更酌兩玉舟醉吟扣謝

眺。彷徨杜若洲。路邊西行柳。閔中豫章鷗。花
朝兮月夕。遨遊春又秋。
公退傲後園。緩步弄閔幽。不勞友朋訪。相攜
飲酒樓。登山靈運屐。乘興子猷舟。于飛一雙
鷺。雪點綠水洲。石巉踞虎豹。風定眠鳧鷗。能
樂智仁樂。怡然度春秋。

慶安四年辛卯春雨雪。次韻退之辛卯

雪詩。且倣其體云。

慶安辛卯春。玄冥疑再歸。江東二月中。滿城

雪打圍。紛紛還片片。後園蝶共飛。煎茗思魯
直。上瑞試一旂。窻梅復精神。白白似曹衣。隨
風落檐間。輕舞學趙妃。天失四時序。物誤造
化機。能歌張元方。賡載陳去非。塔前漸盈尺。
麥雲預知幾。將同昌黎韻。且慚詩力微。

辛卯慶安辛卯春二月十一日之夜雪。達明

猶甚。於是遠次韓退之詩韻。賦古風
一篇。賴林函三文。以求雌黃於羅山
先生。先生偶看之。乃加點竄。且又賜

和函三丈亦同依韻以寄之誠几前
之一奇掌中之片玉吟賞及數卷舒
不止輒復和成

辛卯春却寒柳眼誤青歸慶安如元和霏雪
四方圍輕於蝶翎散似鵝毛飛滕六轉白
戰蒼龍揚雲旂岬峭壺逼陽凍雲奪霞衣帶
暖不成花回風舞宓妃瞳瞳日升初織縞半
斷機時序變其常所憐物候非一望同一色
乾坤更幾幾庾嶺欲妬梅先失却翠微

冬日雜吟

日月其逝矣過隙犇逸駟年光速代謝東流
水泔泔歲畢月窮紀地凍雉入淮月令之所
記都無毫釐差陰中一陽復萬物養根茲梅
蕾春一點清香暗穿裊踈影斜簷下黃雲擁
天街飛雪繽紛下冽風聲發飆凜凜肌生粟
殺氣入百骸賢君脫御衣苦寒與民偕隨時
閱武備驅除當道豺董遇有遺訓歲餘讀書
齋文史足可用方朔何優俳爐暖笑元實一

杯醉茅柴。富貴本無用。如彼夢大槐。後貯千金財。前羅八珍腩。旦暮飽美味。洞房聚姪娃。皓齒伐性斧。長舌作厲階。浮雲過無跡。利祿黏壁蝸。只耽虛好靜。樂道任天倪。蕭然環堵裏。更無俗塵埋。茅茨偏不剪。三尺以土堦。天籟清心耳。微風落松釵。非金又非石。融融音克諧。隱几死灰冷。捲簾望眼揩。士峯秀雲表。玉成萬仞崖。書窻今猶古。孫康雪生涯。想像鄭蔡驢。景入詩思佳。子建才七步。庭筠手八

又。勤尋周雅舌。勿聞鄭衛哇。我家椿萱在。致孝憶伯喈。楊香少年日。不恐於菟捩。聞說婦養姑。能力供珍鮭。卧龍久不起。南山豹隱靈。伯樂何常有。世不知渥洼。甚哉道之衰。歎息魯國楷。浮圖盛行世。狂說誑人皆。費地安諸佛。誦經如群蛙。斷絕五倫序。多與人事乖。韓公一去後。有誰復舐排。何時得艸偃。淳風仰盤媧。文房對四友。端坐述鄙懷。短才成不得。赧然愧吾儕。

本月某日詣先考之墓。上香再拜不忍
去。澍淚研墨漫筆。今年一七回也。文寬

七年
丁未

夙從水戶步。敬拜先考墓。纍纍碑空殘。冥冥
影不往。愁結起悲風。淚滴翻瀼露。瞬息七年
前。彈指如旦暮。

偶詠

神龍蟠九淵。鷓鴣巢一枝。就艸鹿擇音。戲藻
魚躍池。吾亦安容膝。愉愉又怡怡。夜息日出

起。食足不知饑。防寒重綿襖。忘暑衫細絺。物
我各有分。樂復奚疑為。

敲冰煎茶

探題分韻
得石字

敲冰煎建茶。花光凝淡白。肅肅不侵身。習習
正生腋。乘風通仙靈。關門厭俗客。臘天一掬
春。先欲借擔石。

駒籠別墅雜詠

相攸營茅屋。日靜執書讀。飢雀窺生臺。老鶯
歸幽谷。歌耳風聞松。擡眼窻洗竹。無友從遠

來。然能樂獨。

舟中偶作

放流淺艸東。片帆一陣風。酌酒侑交友。得魚叩漁翁。君看人間事。浮沉世網中。

九月十三夜會道軒。忽憶去年是夜宴。

常陽箕川亭有感

中山前備前守信治亭

已邁繼華秋。月光浮談露。銀漢鎔金波。蒼狗脫白兔。賞始寬平時。詩起忠通句。去年又今年。賓主得奇遇。

遊太古山清音禪寺

我偶訪招提。入門漸亭午。松杉夾路傍。煙霞鎖梵宇。揭流有清音。指山似太古。復菴開洪基。法雲降慈雨。境寂孤猿馴。木密衆禽乳。邂逅蒞苴僧。值遇方便父。暗聞懸河論。豁得披霧覩。七盃喫龍茶。一喝轟雷鼓。異端質大顛。締交扣韓愈。人世半日閑。亡慮忘八苦。

檐峯與我親

用洪武韻

青松直矗亂峯翠。屏圍寄宅檐與孤雲親。居兼

六塵隔。天曙夜猶殘。山高日速。夕樂哉復奚疑。嗚乎永栖息。

松山旅會

在鷲子村探韻得有字

蒼鬱松山。松翠色透。戶牖雨誤。斯立吟風。傳伯牙手。行行縱旅情。物物皆我有。暫欲忘鄉愁。頻酌桑落酒。

高岡秋望。送伴資矩田中衛義歸江戶。

得月字

放眼後岡看。四面皆秀發。翠黛碎樹間。布帆

挂林樾。孤鷺飛頡頏。群鷗齊出沒。回首天一。方秋高屋梁月。

冬景如春

探眼耳鼻舌身意六字得舌字

一陽來復時。風微冰未結。楓勝二月花。竹高三冬節。山秃失蛾眉。日靜澁鶯舌。會友共淪茶。暖爐置春別。

九月十三夜

一年之月明。中秋與今夕。雲間數兔毫。天外生蟾魄。籬菊星沒芒。板橋霜無跡。偶會繼華

朋。夜終夜舉白。

前山紅葉

得滿字

放眼遠近峯。樹間累虬卵。山晒錦餘功。風吹
火不煖。寒林襲夕陽。霜楓續景短。紅笑我酡
顏。燒葉再引滿。

時秋積雨霽得乍字

霖雨三四旬。今日一晴乍。雲收秋天高。恁麼
這良夜。夕陽始吞西。恒月穿窻射。農夫鼓腹
歌。人喜減米價。聞鴈讀漢書。燈火須親炙。霜

輕楓染山。節近菊繞舍。顧盼皆佳境。喫了凱
之蔗。邂逅會緇素。座闌傾爵斝。我亦費醉吟。
硯滴信筆瀉。

元旦口號

元祿四年
辛未

歲歲被春役。今年始得春。寂然忘世事。乞爾
葆天真。斟醪代屠白。開爐燔烏銀。煙霞入痼
疾。花鳥惱吟身。廬有養生主。門無納賀賓。誘
枕快夢寐。隱几放欠伸。黃鸝忽出谷。喚起止
丘人。

七言古風

暮春偶作

惜春不止春寂寞。顧吾猶惜少年春。今日不
學有來日。年光如矢老頻臻。聞說往昔之賢
哲。能惜分陰樂天真。

水仙花

宓妃步水千歲昔。琴高乘鯉萬頃波。後菊先
梅清香發。玲瓏點點玉無瑕。金盞銀臺名不
虛。置酒籬邊醉眠花。

春之仲。月之末。與弟賴元。賴隆。偕遊駒

籠林中

杖藜徐步緩探春。盈矚逸興費吟呻。苗田白
鷺飛又落。竹林黃鸝來自馴。偃風秀麥浪灑
灑。抱石芳櫻雪續續。回首谷中多寶塔。高出
雲端九重輪。三遷何處問孟母。猶嫌僧舍占
四鄰。遙拜上野東照廟。歎息兩部習合神。
奚以素食換血食。靈兮元堅磨不磷。山頭歲
寒松呈節。湖面風微波。疊皴促歸鴻。鴈兩三

點。坐有兄弟且懿親。桃花開處武陵客。更逢元亮欲問秦。疑是別有一天地。不知今日我何人。

辛丑元旦試筆述懷

寬文元年

戊戌春王正月朔。家君就國東海濱。我儕留守武江邸。夙起先謁太夫人。亥年既罹私喪。變。去年偶遇故鄉春。三歲乖離背舊例。今歲喜祝拜兩親。兩親兄弟共團樂。一家和樂敘彝倫。天示嘉瑞臘底雪。宿麥連雲太平民。細

柳露霑士林上。殿閣風暖賀令辰。退營讀易明窻下。梅花現在程伯淳。靜酌屠蘇醉氤氳。戲試禿筆費吟呻。五木湯外誰沐浴。舊染之垢日日新。

翫月得古字

風度太虛月亭午。天外雲盡見林羽。同賞東西南北人。仰高八萬三千戶。酌酒又登庾亮樓。攀桂不假吳剛斧。對影勿效尋常看。殘篇讀來江泌古。

白樂天四十七作浩歌行。余今正當其時。仍次韻試新年之筆。聊寓微意。三百六十昨夜畢。三百六十資始日。偶讀樂天浩歌行。忽驚我亦四十七。年年歲歲又年年。一事無成心悵然。惠風遠及筑波陰。武野春光不違顏。物皆納新雖去故。老年荐臻無避處。富貴如夢復奚求。舊時壯容背我去。足矣滿腹鼠飲河。年光混混不旋波。霜鬢日暖白髮新。山頭雪消翠冠峩。梅花釀來却老酒。

秉燭夜遊酣且歌。酣歌更忘千歲憂。醉鄉別是得春多。時乘暇日可行樂。暗數百年能幾何。

三月朔遊戶塚村園。席上戲賦古詩。似座客題其篇曰。四不得吟。

夜雨乍晴麗日新。傍花隨柳賞良辰。非良辰不得催興。非閒暇不得遊春。非歡伯不得忘憂。非文友不得輔仁。二難既并四美備。江山艸木皆主賓。落合遙指坂七曲。法泉高聳塔。

九輪風扣竹陰韻。虛籟鳥轉樹間助吟呻。玉
 虹橫流板橋霜。浮香波暖水粼粼。青松獨不
 隨埋沒。白雪之白接芳鄰。緇素同參檐櫻下。
 淪茗舉白情交親。偷閒對花花一瞬。談露半
 日洗凡塵。逍遙遊思天地外。自是羲皇上世
 人。今日解脫無繩縛。暫時喜作雲水身。春色
 年年去還來。人生日日老存臻。再會難期樂
 須極。君見樂極却傷神。不若隨時執厥中。悠
 悠自在樂天真。

弔竹陰軒釋日進

竹陰風惡不成蕩。日進茶菓尚來饗。生死轉
 輪羊鹿牛。深淺味法兔馬象。元有因悟有緣
 迷。勿被佛欺被祖廷。純一跳出本寂門。往也
 往也任意往。

和釋道祖詠梅

梅也不梵又不仙。卓立儒者獨凜然。馬公明
 道鏤馨德。何遜林逋摩吟肩。暗香扣戶風瀟
 洒。疎影橫窗月連娟。眠熟羅浮山下夢。候異

大庾嶺上天。座客舉盃傾斗酒。老漢作詩驚
四筵。將和金聲玉音句。難成陽春白雪篇。山
中無曆何以識。笑指一枝破臘前。


旅舍聞杜鵑元祿七年甲戌在江戶作

旅程春暮綠陰生。底事叫天懸樹鳴。月暗空
山遊子慘。風音孤枕夢魂驚。刺腸歸去來兮
賦。砭耳不如歸去聲。寂寞杜鵑枝上雨。和愁
滴盡故鄉情。

常山文集卷之一終

常山文集卷之二

權中納言從三位源朝臣綱條輯



詩

五言律

歲暮

江城暮節天。靜坐思悠然。積雪月光冷。嚴寒
冰腹堅。臘容隨葉盡。春信自梅傳。四序一彈
指。空過二十年。

病中遇重陽

今日重陽節。人皆登翠微。牀頭敬枕見。鬢上
插萸歸。煎藥黃花發。倚窗白鴈飛。聊嘗桑落
酒。獨祝更無依。

病中謝備之後州刺史服部氏寄菊花
惠余菊數莖。厚意不爲輕。剪朶瓶中插。嗅香
枕上清。晚榮食屈子節後。摘淵明聞道能瘳
病。丁寧拈落英。

慶安己丑仲冬。余與弟賴元陪家君南

庭卽興走筆以戲簡

南庭多逸興。無處不逍遙。扶杖步山徑。吟詩
過石橋。錦鱗波面戲。紅葉檻前飄。苦見松兼
栢。歲寒覺後凋。

泛舟淺艸長流

汎汎彼輕舟。涼風颯似秋。披襟鑿盛暑。回棹
泝中流。醉舞弄浮蟻。漂搖恥白鷗。渾渾流不
息。吾道亦悠悠。

送野言員赴常州

秋風吹未了。遊子去何之。同好比蘭蕙。傷情縮柳枝。一望千里月。百恨五言詩。先別待猶急。歸期幾許時。

謝羅山惠枇杷并引

枇杷之為物也。其利人為不少焉。醫家之說曰。止渴下氣。能清肺熱。周祇之賦曰。負雪揚華。質貞松竹。味之玩之。則有衛生之術。有歲寒之趣。而今羅山先生見惠枇杷。實一籠感荷有餘。何賜加之。已咀嚼珍味。

而不忍獼猴之慾。綴小詩一篇。聊代木瓜之謝云

分惠枇杷實。珊珊顆滿盤。外施金色艷。內貯玉漿酸。葉葉垂驢耳。枝枝綴蠟丸。深蒙情意厚。慚愧謝之難。

今春避火於蒲田林中。地靜人稀。相攸卜幽。艸庵落成。於是坐卧偃側。自得自適。悠然漫筆

地僻得嘉致。四鄰松竹高。月篩千畝影。風奏

五湖濤足矣。蝸營舍樂且。鷄集蒿何羨。輪奐美。只喜此堅牢。

雨中感春

茅屋捲疎簾。雨中春色添。殘花啼露重。巢燕苦泥黏。八景瀟湘夜。七年務觀檐。能詩我豈敢。默坐筆慵拈。

和宅生順松竹方外友詩韻

我廬山意深。林樾共森森。竹月分清影。松風有好音。亭亭高勁節。裊裊抱虛心。萬物皆朋

友。約堅百鍊金。

茲歲秋七月十八日。桑名城主朝散大

夫源定良卒于洛陽旅亭。余聞訃。傷

之。明曆三年丁酉

城主早辭世。忽登白玉樓。一朝從易箆。千歲欲藏舟。影暗桑名月。風悲華洛秋。皇皇求不得。雙淚潛然流。

初秋偶作

涼風助蓐收。蒲柳不勝秋。歸思張翰鱸。趣同

王粲樓。鷓鴣鳴。陰氣動。律轉。火星流。暑退慮寒至。豫修卒歲謀。

開爐即興

十月竹爐開。烘烘楮拙堆。更懼和氣至。不識苦寒來。灰烏陰鏗撥。暖教元寶催。紅麟纔點雪。克已憶顏回。

賀武田正隆始獲男子

夢裏依呈瑞。掌中乍見珠。天生騏驎子。人得鳳凰雛。才茂杏千樹。壽爭椿一株。須期漸長。

日。志學逐名儒。

明曆戊戌元日

舊臘避火於蒲田林中。于時家君就國故及此。

華甲今過半。屠蘇漸後斟。偶隨壯士列。未減少年心。松自夾門立。鳥初出谷吟。春來先陟岵。瞻望筑波陰。

寄友

昔日共相於。而今獨索居。登山延旅鴈。臨水問雙魚。千恨八行字。多情一片書。暮雲西望。

久。幾。日。子。歸。歟。

哭前羽林次將奧州太守藤原忠宗二

首

七月愁雲暗。計音尤耐驚。公終成鬼錄。我爲
作驢鳴。交有金蘭臭。親同骨肉情。淚和秋雨
落。潛爾濕冠纓。
華年一聚塵。哽咽仰蒼旻。平治公之力。惘瘵
者。乃身。偃風藩塞艸。哭巷奧州民。益友今亡
矣。何依我輔仁。

羊得青字

易牛吾豈敢。三四養馴庭。沙漠困蘇武。漢家
舉衛青。藩籬羸不觸。躑躅醉無醒。卜式牧天
下。更令海內寧。

伯父老大人命書生木菴作春雪詩。余
弄翫之數矣。且拜大人之賜。遂次韻
以奉呈。二首

黃雲朝散亂。六出出梅餘。稔歲見三白。寒風
鳴兩車。陽微鶯畧冷。雪積兔園虛。江上披蓑

處。晚來盡不如。春雪呈嘉瑞。萬邦慶有餘。鶴鷗慚素毳。牛馬困鹽車。青殺艸彌茁。白生室尚虛。而今誰授簡。千歲慕相如。

蒲萄

九月蒲萄熟。長蘂蔓衍垂。龍珠堆顆顆。馬乳涌離離。叔達皆稱孝。孟佗不耐癡。釀之為美酒。誰又把金卮。

讀秋風辭

感秋辭尚切。片影鴈南歸。黃葉蕭蕭落。白雲鬢鬢飛。君臣歡飲宴。蘭菊秀芳菲。嘆息茂陵雨。而今悔昨非。

三月三日曲水泛觴修禊事

麗日重三節。踏青春色深。羽觴飛洛水。詩韻屬山陰。風暖紅桃綻。晷閱黃鳥吟。人皆修禊事。何不洗吾心。

玉簾瀑

飛泉倒斷崖。亂沫散微絲。白布懸空曝。玉簾

穿岳垂。雷聲轟地軸。雲額拂山眉。千歲徐凝後。為吾洗惡詩。

和釋慈忍詩韻并引

久仰丰采。未遂披雲。渴心生塵。頃日得挹耿光。所謂亦既觀止。我心則降。苦聞風幡之論。互作敲推之勢。暫豁我心。茅唯恨相見之晚矣。他日師賦小律四十字。以寄之。三四讀不忍釋手。竟次韻者二章。于以呈獅子座下云。

塵垢浴光霽。芝蘭好與居。妙門闡般若。苦海拯淪胥。文澤霧中豹。玉跳山上魚。雲生於筆下。不肯借龍嘘。芳名覽望久。邂逅扣幽居。談美且清矣。志同借樂胥。祇林僧有鳳。法水眼如魚。演說度人我。何論大歲嘘。

中秋簡座客

微雲皆卷盡。亭午月明樓。公遠擲空杖。袁宏遣興舟。如何今夜意。不似去年秋。對影旅窻。

下。舉_テ盃_ヲ消_ス客_ノ愁_ヲ

遊_ル角_ノ田_ノ川_ニ

長_ク流_ル分_リ武_ノ總_ノ兩_ノ國_ノ界_ノ東_ノ西_ノ梅_ノ若_ク有_レ遺_レ恨_ヲ業_ノ平

曾_レ詠_テ題_ス白_ノ楊_ノ秋_ノ淡_ク淡_ク青_ノ艸_ノ露_ノ淒_ク淒_ク千_ノ歲_ノ悲_ク風

起_ル一_ノ聲_ノ都_ノ鳥_ノ啼_ク

竹

愛_シ看_ル綠_ノ猗_ノ猗_ノ阿_ノ猷_ノ誰_カ復_シ追_フ日_ノ春_テ金_ノ瑣_ノ碎_ク月_ノ映_ル
玉_ノ參_ノ差_ク露_ノ滴_ク湘_ノ波_ノ淚_ノ風_ノ吟_ク淇_ノ澳_ノ詩_ノ中_ノ虛_ノ能_ク保_ル
節_ノ君_ノ子_ノ有_レ清_ク姿_ヲ

環景樓 得_ニ羊_ノ字_ヲ

勝_リ日_ノ上_リ樓_ニ望_ム四_ノ兼_ニ無_ク尾_ヲ羊_ノ苦_ク吟_ク王_ノ粲_ノ賦_ノ誰_カ釣_ク
子_ノ牙_ノ璜_ノ萬_ノ景_ノ爭_テ排_テ闢_ス微_ク涼_ク動_ク近_ク商_ノ登_リ臨_ム長_ク不_レ
倦_ム俗_ノ慮_ノ總_テ相_レ忘_ル

雪 得_ニ年_ノ字_ヲ

甯_ク冽_ク風_ノ吹_ク雪_ヲ踏_テ花_ヲ馬_ヲ不_レ前_ム黃_ノ雲_ノ飛_ク舊_ノ臘_ノ翠_ノ浪_ノ
舞_ル明_ノ年_ノ乘_リ興_ヲ問_フ安_ノ道_ヲ按_テ文_ヲ扣_テ惠_ヲ連_ス平_ノ原_ノ同_ク一_ク
色_ヲ擡_テ眼_ヲ浩_ク無_ク邊_ヲ

常山文集卷之二終

常山文集卷之三

白雲山志

其即乘乘與同其能遊文時惠經平

習既風如雲龍亦不新黃雲飛香與不

起一雲

然谷風縣

于天能萬景得林國林亦值與奇景與身不

知日之對望以無異風年寺今王茶烟

...

5

